



Sande kommune
Rådhuset
6084 LARSNES

Invitasjon til innspel om skjønnsmidlar

Invitasjon til innspel om skjønnsmidlar

Fylkesmannen ønskjer å invitere kommunane til å kome med innspel til skjønnsdeling for 2018 og 2019.

Fylkesmannen tildeler kvart år skjønnsmidlar til kommunane. Fylkesmannen har ansvaret for å kome fram til ei god og rettferdig tildeling av skjønnsmidlane mellom kommunane i fylket. Innspel frå kommunane er viktig for å oppnå ei så rettferdig tildeling som råd. I siste tildeling for 2018 skal vi tildele omlag 25 millionar kroner.

Retningslinjer for skjønnsdeling og skjønnsramma som skal tildelast i 2019 kommer ikkje før i medio august. Som tidlegare nemnt, så har skjønnsramma for Møre og Romsdal blitt gradvis redusert dei siste åra. For 2018 var skjønnsramma på 79,7 millionar kroner, men vi trur ho kan bli ytterlegare redusert for 2019. Vi har som mål å tildele så mykje som mogleg av ramma til statsbudsjettet, slik at skjønnsmidlane til kommunane er kjent før året startar. For at vi skal vere klar med tildelinga til statsbudsjettet blir lagt fram den 8. oktober, må prosessen starte allereie no.

Vi ber om innspel frå kommunane seinast den 10. august i år.

Tildeling av skjønnsmidlar

Vi legg til grunn at det ikkje vil vere store endringar i opplegget rundt retningslinjene for skjønnsdeling eller for den fylkesvise skjønnsramma. Den økonomiske skjønnsramma for Møre og Romsdal er som nemnt ikkje kjent før i medio august.

Vi ønskjer innspel på vesentlege utgifter som kommunen ikkje kan påverke sjølv, og som ikkje blir kompensert i stor nok grad gjennom andre tilskot. Innspela frå kommunane vil bli sett opp mot til dømes inntektssystemet og andre tilskotsordningar, og i høve til gjennomsnittlege utgifter knytt til innspelet for kommunane i fylket i den grad det lar seg gjere.

Vi vil uansett vurdere følgende kriteria i tråd med praksis frå tidlegare år:

Språkdeling

Kommunar som må opprette egne klassar som følgje av pålagt språkdeling, vil få kompensasjon. Vi nyttar tal frå GSI og har såleis ikkje behov for ytterlegare innspel om kommunen ikkje finn det naudsynt.

Barnevern

Vi nyttar allereie innsamla statistikk frå kommunane og kompenserer dei kommunane som har relativt mange barn under omsorg i høve til gjennomsnittet for fylket. Kommunane med mange barn under omsorg vil bli ivareteken gjennom eksisterande rapportering. Om kommunen har synspunkt utover dette kan det spelast inn.

Skyss av helsepersonell

Kommunar som har store utgifter knytt til transport av helsepersonell (til dømes med ambulansébåt) får kompensert ein del av dei ekstra utgiftene. Vi ber dei aktuelle kommunane sende inn dokumentasjon for slike utgifter. Vi gjer merksam på at det berre er dei som sender inn dokumentasjon som vil bli delvis kompensert.

Kompensasjon for endringar i differensiert arbeidsgivaravgift (DAA)

Kommunar som fekk auka arbeidsgivaravgifta har historisk fått kompensasjon for dette. Vi har tidlegare signalisert, ved framlegget av statsbudsjettet i 2014, at denne ville bli trappa ned fram mot 2020. Vi vil etter dette kutte kompensasjon til kommunane og om fordele til kommunar i fylket som, etter fylkesmannen sin kunnskap om lokale forhold, har større behov for ekstra tilskot frå staten.

Ressurskrevjande tenestemottakarar

Kommunar som har høgare utgifter enn gjennomsnittet i fylket vil få kompensasjon. Vi nyttar rapporterte tal til Helsedirektorat i toppfinansieringsordninga. Om kommunen har ein stor del ressurskrevjande tenestemottakarar som er rett under innslagspunktet i toppfinansieringsordninga eller som har fått nye brukarar i år, kan det spelast inn.

Vi ber om innspel om kommunen har høge utgifter knytt til einskilde brukarar som er over 67 år og som ikkje er omfatta av toppfinansieringsordninga. For å få eit godt grunnlag til å vurdere dette kriteriet, er vi avhengige av at alle kommunane sender innspel, sjølv om dei ikkje har brukarar som fell inn i denne kategorien. Vi ber som tidlegare om at kommunane nyttar same mal som i toppfinansieringsordninga, og sendar det til revisor. Distriktsrevisjonane kan godt samle inn rapporteringa frå sine kommunar og sende det til oss.

Robek – Forpliktande plan

Kommunane som har utarbeida forpliktande plan for å vinne att økonomiske balanse i 2018 har fått satt av 500 000 kroner. Om kommunen har iverksett tiltaka i forpliktande plan, heldt budsjettbalansen elles og dekker inn rekneskapsmessig meirforbruk i tråd med inndekningsplanen, vil få utbetalt skjønnsmidlar. Vi vil i eiga brev be kommunane i Robek

om å rapportere på forpliktande plan med frist i månedsskifte mellom september og oktober.

Spesielle saker

Kommunane kan spele inn vesentlege utgifter som kommunen sjølv ikkje kan påverke. Desse kan vere av midlertidig karakter. Døme på saker vi har kompensert i tidlegare år er virus på sjukeheim, flaum, steinskred og fleire liknande saker.

Kontaktinformasjon og oversending

Spørsmål knytt til skjønnsstillinga og innspela frå kommunane kan rettast til:

Sissel Hol	71 25 84 49	fmmrsiho@fylkesmannen.no
Espen Julnes Lia	71 25 85 08	fmmresli@fylkesmannen.no

På grunn av ferieavvikling vil vi ikkje alltid vere tilgjengelege på telefon, men vi tar i mot spørsmål på e-post. Innspela kan sendast til fmmrpostmottak@fylkesmannen.no. Merk sendinga 2018/3223.

Vi ønskjer kommunane ein fin sommar!

Med helsing

Rigmor Brøste
ass. fylkesmann

Sissel Hol

Dokumentet er elektronisk godkjent og har ingen signatur.